

ANNOAMENTO – Bussa de istùdiu istatali cunforma a su D.legs 63/2007 annu iscolàsticu 2021/2022 –

aprovazioni graduatòrias DEFINITIVAS

Si ponit a iscriri a is sugetus interessaus a su protzedimentu in ogetu chi, cun Determinazioni Dirigentziales n. 921

de su 17/05/2022 s'at aprovau is elencus de is istudiantis amìtius, cun is rechisius idòneus a tretu de pòdiri

insertai in sa graduatòria ùnica regionali, po corbai su benefitziu econòmicu.

Po atras informatziones si podit preguntai a s'ufìtziu de cumpetèntzia in su nùmeru de telèfonu 0781.5111415 o

cun mail a s'indirizzu ml.lai@comune.portoscusi.ci.it

Si ponit a iscriri chi, cun determinazioni RAS n. 632 protocollo n.12594 de su 12 Ladàmini 2022 s'at aprovau sa

graduatòria ùnica regionale, istèrrida in òrdine de ISEE crescendi, de is istudiantis beneficiariis de sa bussa de

istùdiu in ogetu, de 200€ de valori onniuna.

Is sugetus beneficiariis s'identificant cun nùmeru de protocollo e data de intrega de sa domanda de partecipazione a su Protocollo de s'Ente e funt seberaus is sugetus amìtius (Alliòngiu A) dae is sugetus

arrefudaus a definitivu (Alliòngiu B).

Po su chi pertocat su pagamentu de is bussas, su Ministèriu de s'Istruzioni at cuncordau po ddas intregai cun

bonificu domitziliau de arritirai is Postas.

S'arregordat chi su Ministèriu est s'ùnicu canali de informatziones ufiziales po su chi pertocat is piessinnus de su

coberamentu de is bussas. Perduncas, istudiantis e familias podint averiguar su situ web istituzionali

DEUISTÙDIU – Portali de s'Istudianti, a s'indirizzu <http://iostudio.pubblica.istruzione.it>

o intregai is domandas de informatziones isceti a s'indirtzu iostudio@istruzione.it.

BUSSA DE ISTÙDIU A PROFETU DE IS ISTUDIANTIS MINESCIDORIS

Si ponint a iscriri is sugetus chi ant partetzipau a custa protzedura chi cun determinazioni dirigentziales **n. 1897 de**

su 14 mes'e ladàmini s'at aprovau is graduatòrias de is istudiantis chi, in s'annu iscolàsticu 2021/2022, ant

serradu is istùdius de 1° e 2° gradus de istitutu superiori cun minescentu.

Alliongiadas a custa notìzia s'agatant is graduatòrias de is istudiantis benefitziàrius.

Dae 10 diis chi passant publicada sa detèrmina de aprovatzioni de is graduatòrias de s'albu pretòriu de s'enti, is

graduatòrias A e B s'ant a fàiri definitivas, e ddoi protzedid sa dispositzioni de su pagamentu de is summas chi

ispetant a is istudiantis benefitziàrius.

Interventus po su deretu a s'istùdiu – Bussa de istùdiu sarda A.S. 2021/2022 e Bonus Librus A.S. 2022/2023

Si ponit a isciiri chi, cun Determinatzioni Dirigentziales n- 1939 de su 20 ladàmini 2022 s'at aprovau s'Avisu

Pùbblicu chi pertocat is "Interventus po su Deretu s'Istùdiu de s'annu 2022:

- Bussa de Istùdiu Regionali A.S. 2021/2022 (rechisidu econòmicu de atzessu € 14.650,00);

- bonus Librus A.S. 2022/2023 (rechisidu econòmicu de atzessu € 20.000,00);

Sa domanda, cun totu sa documentatzioni pretzisa, bolit intregada a s'ufitziu protocollo, finas via PEC a intru e

non a pustis de su 4 onniasantu 2022 – a intru de is oras 12.00 si intregada a manu o a intru de is oras 24.00 si si

mandat via PEC sodighendi is informatzionis de s'avisu pùbblicu.

Totu is piessinnus si podint ispricuai in su link afatanti:

[Interventi per il diritto allo studio - Borsa di studio \(portoscuso.ci.it\)](http://portoscuso.ci.it)

BUSSA DE ISTÙDIU MINISTÈRIU DE S'ISTRUTZIONI – GRADUATÒRIAS DEFINITIVAS

Sa Regioni Autònima de Sardigna, cun Determinatzioni Dirigentziales n. 632 protocollo n.12594 de su 12 Ladàmini

2022 at aprovau sa graduatòria unica regionale, istèrrida in òrdine de ISEE crescendi, de is istudiantis

benefitziàrius de sa bussa de istùdiu in ogetu, de 200€ de valori onniuna.

Is sugetus benefitziàrius s'identificant cun nùmeru de protocollo e data de intrega de sa domanda de partecipatzione a su Protocollo de s'Ente e funt seberaus is sugetus amìtius (Alliòngiu A) dae is sugetus

arrefudaus a definitivu (Alliòngiu B).

Po su chi pertocat su pagamentu de is bussas, su Ministèriu de s'Istruzioni at cuncordau po ddas

intregai cun

bonificu domitziliau de arritirai is Postas.

S'arregordat chi su Ministèriu est s'unicu canali de informatzioni ufiziali po su chi pertocat is piessinnus de su

coberamentu de is bussas. Perduncas, istudiantis e famìlias podint averiguai su situ web istituzionali

DEUISTÙDIU – Portali de s'Istudianti, a s'indiritzu <http://iostudio.pubblica.istruzione.it>

o intregai is domandas de informatzioni isceti a s'indirtzu iostudio@istruzione.it.

Ligi sa nova in su situ de s'Enti: [AGGIORNAMENTO - Borsa di studio nazionale ai sensi del \(portoscuso.ci.it\)](http://aggiornamento.borsa-di-studio-nazionale.ai-sensi-del-portoscuso.ci.it)

Comunu de Portescusi – Avisu pùbblicu cantieri comunali patrimoniu boschivu.

Dae 30/09/2022 08:00 finas 07/10/2022 08:00

Si ponit a isciiri chi dae sa dii 30/09/2022 finas a is oras 14:00 de sa dii 06/10/2022 is interessaus chi portant is

rechisius generalis e pretzisus, podint presentai inlìnia sa domanda de partecipazioni a s'iscioberu cunforma a is

modalidadis istèrrias in custu Avisu chi disciplinat finas s'acumprimentu de s'iscioberu po is fasis e protzedimentus de cumpetèntzia de s'ASPAL. Foras de sa disciplina de custu Avisu, si fait riferimentu a sa

disciplina de sa L.R. n.1 de su 14/05/2009 art. 3, comma 2, let. B e L.R. N1 de su 19/01/2011 art. 6, comma 10 let.

B, in sa D.G.R. n. 33/19 de s'08/08/2013, in su Regolamentu ASPAL in contu de cantieris comunalis aprovau cun

determinatzioni n.42 de su 18/01/2018 e mm.ii.aa.

Po s'assuntzioni, cun CCNL de categoria de su setori privau paris de tenori, de personali a tempu determinau de

acordai in is cantieris po sa crèscimenta, sa manutenzioni e s'avalòriu de su patrimoniu de su padenti de su

Comunu de Portescusi in is profilus e cualificas afatantis:

n. 03 Operaju comunu – Personali chene cualifica po sa manutenzioni de su birdi;

n. 2 Operaju cualificau – Cordinadori seghesa po is fainas in cantieri;

n. 02 Operaju cualificau – Operadori de motosega;

n. 01 Operaju cualificau – Mecànicu aconciadori de veturas.

Determinatzioni Dirigentziales n. 2317 de su 27/09/2022

Avisu publicau in su Portale SardegnaLavoro – Setzioni Cuncorsus e iscioberamentus – Cantieris su 30/09/2022

acàpiu: Portale Sardegna Lavoro

Avisu pùbblicu po s'iscioberu e s'assuntzioni a tempu prenu e indeterminau, in aplicatzione de s'art. 20

comma 2 de su D. Lgs 75/2017, de n.1 esecutore amministrativu e de n.1 esecutore operaju

Dae su 29/09/2022 10:30 finas a su 01/11/2022 11:00

Avisu pùbblicu po s'iscioberu e s'assuntzioni a tempu prenu e indeterminau, in aplicatzioni de s'art. 20 comma 2

de su D. Lgs 75/2017, de n. 1 esecutori amministrativu e de n. 1 esecutori operaju

Su tempus po presentai domanda ispàciat su 31 ladàmini 2022

ANNOAMENTU – APROVATZIONI GRADUATÒRIAS PROVISÒRIAS – BUSSAS DE ISTÙDIU A MÈRITU – ANNU

ISCOLÀSTICU 2021/2022

Su Comune de Portescusi ponit a isciri a is citadinus interessaus chi s'at aparitzau una protzedura po

s'intregamentu de is bussas de istùdiu a profetu de is istudiantis prus minesidoris chi, in s'annu iscolàsticu

2021/2022, ant sodigau una tarea manna, acumprendi is istùdius de istitutu superiori de 1° gradu o de 2° gradu.

Sa domanda, e is alliongius chi ddoi ispetant, bollint mandaus a su Protocollo de s'Enti cun duas maneras a

iscioberu:

- trasmissioni via PEC (cunforma a is inditus aparaus in s'avisu pùbblicu in alliongiu) a s'indiritzu comune.portoscuso@pec.comune.portoscuso.ci.it (a trasmitiri dae PEC a PEC e non dae posta ordinària a PEC)

- intregada a manu deretu in s'ufitziu protocollo de su Comune de Portescusi.

IS DOMANDAS BOLINT PRESENTADAS A INTRU E NON A PUSTIS DE SA DII 07/09/2022 –

alliongiada a su documentu s'agatat sa modulistica pretzisa

Si ponint a isciri is sugetus chi ant partetzipau a custa protzedura chi cun determinatzioni dirigentziali **n. 1897 de**

su 14 mes'e ladàmini s'at aprovau is graduatòrias de is istudiantis chi, in s'annu iscolàsticu

2021/2022, ant

serradu is istùdius de 1° e 2° gradus de istitutu superiori cun minescentu.

Alliongiadas a custa notitzia s'agatant is graduatòrias de is istudiantis benefitziàrius.

Dae 10 diis chi passant publicada sa detèrmina de aprovatzioni de is graduatòrias de s'albu pretòriu de s'enti, is

graduatòrias A e B s'ant a fàiri definitivas, e ddoi protzedid sa dispositzioni de su pagamentu de is summas chi

ispetant a is istudiantis benefitziàrius.

Su Comunu de Portescusi at bogau a campu duus avisus pùbblicus po s'iscioberu e s'assuntzioni a tempu prenu e

indeterminau, cun s'art. 20 comma 2 de su D.lgs 75/2017 po s'istabilizazioni de su precariau, de n.1 esecutore

amministrativu e de n.1 esecutori operaju e at cunvocau unu Cuncursu po s'ocupamentu a tempus indeterminau

de un'Istrutori amministrativu – contàbbili.

Po ligiri s'avisu, averiguai is rechisius e iscarraigai sa domanda, baxea a is acàpius afatantis:

Avisu esecutore amministrativu cat. B

<https://www.comune.portoscuso.ci.it/sites/default/files/upload/2022/09/Avviso%20esecutori%20amministrativo%20%281%29.pdf>

Avisu esecutori operaju cat. B

<https://www.comune.portoscuso.ci.it/sites/default/files/upload/2022/09/Avviso%20esecutore%20operaio%20%283%29.pdf>

Po su **Bandu de Cuncursu po istrutore amministrativu-contàbbili** baxea a s'acàpiu:

<https://www.comune.portoscuso.ci.it/sites/default/files/upload/2022/09/Bando%20di%20Concorso%20pubblico%20per%20titoli%20ed%20esami%20per%20la%20copertura%20di%20due%20posti%20cat.%20C%20istruttore%20amministrativo%20contabile%20da%20assegnare%20all%27Area%201%20%282%29.pdf>

Su tempus po presentai domanda ispàciat su 31/10/2022

Serrada istraordinària de sa biblioteca comunale is diis 30 cabudanni e 1° ladàmini 2022

Dae su 30/09/2022 10:00 finas a 03/10/2022

Su Comunu de Portescusi ponit a isciiri a su populau chi sa biblioteca Comunali, po nexi de is iscòncius chi ddi

at fatu s'istracia de s'atra noti, at a abarrai serada cenàbura 30 cabudanni e lunis 3 ladàmini, finas a torrai a is

cunditionis de seguresa e agibìladi de is aposentus.

A si perdonai is letoris po s'istrobbru.

Su Sìndigu

Traduzione pg. 65 “La Torre Racconta” Ernesto Vides Cirronis Editore

Sa Turri Contat

Turri Ispagnola de Portescusi

Sa Turri de Portescusi, posta a fabbricai in su 1587, dd'iant incingiada su 22 mesi de argiolas de su 1594 a dae in

antis de una tropa de sordaus aproliaus dae Iglesias, e de su primu ALCAIDE – su comandanti de sa turri-, unu

tali de nomini Giuanni Mereu.

Ma is acotessidas a fatu de sa fabbrica de sa Fortalesa de Puerto Escuso tenint printzipiu giai in su 1572 candu

su guvernadori de Iglesias Marco Antonio Camos iat tressau totus is maris de Sardigna po podiri aparai guardias

e defensas contras a is assartius “barbarescus”.

A Puerto Escuso, ddu narant de aici poita ca finas a s'ora de pesai sa turri fiat unu portu “escusado” **isfrancau,**

incapas, contau a foras dae sa defensa cuncordada, mancai sa militzia de sa famillia Gessa (arereu de feudatarius

de sa Corona de Aragona) at sodigau billendi cussa costa po is sbarcus clandestinus, po sa martinica e po parai

fronti a is assartidus “barbarescus”.

Atrus logus po billai su mari nd'iat is “*Su corr'e sa punt'e s'aliga*” e “*Corr'e tzinnibiri*”.

Is cartas testimoniant a cummenti fiat cuncordada sa defensa. Su sonu de su corru fiat su primu sinnali chi sa

turri arriciat dae foras aici podiat sinnalai cussa puru a is atras turris po ndi podiri assoddi is militzianus a parai

fronti chi cun fogus, trumbas, isparus de cannoni amonestant su populau chi fiat lompenti su

perigulu. Custus

sinnalis, chi baliant puru po assustrai s'inimigu, serbiant po nd'assoddiri genti bona po aguantai a sa lompida in

su mentris chi nd'aproliant is atrus sordaus. Candu dae sa turri, lugorosa po is pampas de sinnialamentu, sonant

“su corru marinu” (buconi) a is barcas moriscas acostiendi, partiat su sinnali “sarvei-si!” ponendi sa genti a su fui

fui preghendi su celu po si nd'iscampai

Piessinnus de fabbrica

Sa Turri de Portescusi cun una tropixedda armada (un'alcaide, un'artillieri, e cincu sordaus) casi chi turri de armas

(ses cannonis, duus mannus, cuatru matucus, e cuatru ispingardas) depiat assegurai sa defensa in cali si siat ora

ndi essit lompiu s'inimigu.

S'artilleria de su forti portescusesu fiat cuncordada po podiri parai defensa a 120°. Is acostiadadas de nais dudosas

ddas sinnalant istrantaxendi colonnas de fumu. A de noti alluiant fracas: una fraca po onnia nai apuada.

Su fabricu de sa turri si nd'istrantargiat in duas pranus: su pranu de bascius (1° pianu) anca fiat sa bateria e sa

domu de is sordaus, su de susu (anca est sa pratza de is armas) cun una parti de artillieria. Po artziai a susu ddoi

at un'iscala imbussada a intrus de is murus e sa cisterra dd'iant iscavada a suta de su pamentu.

Depeus immagiai

unu passaditzu, unu sartiadori chi faiat a corona totu a ingiriu a s'oru artu de su fabricu, anca abarrant anda e

torra is sordaus postus in turnu de guardia. Custa turri asserit a istrutura classica a conu truncau, aici po podiri

aguantai su pesu de is cannonis: su diametru de base est 21 mt mesurat 15 mt de artaria a su pamentu de sa

pratza.

10/10/2022

Ripresas sa turri (faddidas unas cantas, de torrai a fai)○□

Consulèntzias: cantzonis Portescusesas, firmas e comunicatzionis

Isterrida orarios formatzioni

montagiu immaginas turri

montagiu Cantzonis

Consulentzia corretzioni:

Dringhidi dringhidi sa viola

sa madama crocat sola

po non tenni cumpangia

dringhidi dringhidi sa pipia.

Benga-si-ndi a domu mia

a papai faa buddia

a papai faa a cassola

dringhi dringhidi sa viola.

E un'andaredda apu fatu a Pedingianu

su sabudu a mengianu seu partiu de Casteddu,

cun Antonicheddu su fillu de Boicu,

nanca fiat arricu e fiat mortu de su famini.

Onnia bestiamini teniat pascendi

non ndi boliat intendi e totu in una borta

ddu mandant a nai chi Vissenta s'est morta

bandant e pregontant a Sant'Antiogu

parit unu giogu est allirga che una maca

e andat Boicu a barca a si crocai

Larallaralla la...

E andat Boicu a is nassas nostras

podeus corbai dinai de ispendi

ti pigas impresas e non ti cojas

e ti ndi gosas che una cojada

e ti ndi gosas che una bagadia

e candu ses andau a bendi aguidda

e mi nd'as portau una conca de cuaddu

aturai-ti sidia e atura-ti in pischera

si non petz'e fera ti dongu a papai
si non petz'e fera at a essi de sirboni
e una surra de bastoni po ti depi acumentai

Cuncorsu pùbblicu, a titulus e esàminis, po s'ocupamentu de n. 2 postus a tempu prenu e indeterminau, po su

profilu de istrutori amministrativu-contàbbili de intregai a s'Àrea 1

Cuncorsu pùbblicu, a titulus e esàminis, po s'ocupamentu a tempu prenu e indeterminau, po su profilu

professionali de istrutori amministrativu – contàbbili de intregai a s'Àrea 1 – cat. C, positzioni giuridica e

econòmica C1 cun riserva de n.1 (unu) postu a profetu de voluntàrius de is FF.AA. (ex art. 1014, comma 3 e 4, e

art. 678, comma 9, de su D.Lgs. 66/2010)

Su tempus po presentai domanda ispàciat su 31 ladàmini 2022

Prus su tempus passat e prus si ndi iscaresceus de is costumàntzias nostras, a su puntu chi non ddas conosceus

prus candu torrante a imbucai dae "cara de cortili" e cun unu nòmmini nou, differenti, esòticu, ma su suci est sempri

su pròpiu. Halloween, las dias de los muertos, is diis de is mortus, tutti morti: in totu su mundu (a su mancus su

mundu europeu e is culturas nàscias cun is colonizatzionis europeas) custa parti de s'annu anca su Soli acurtziat e

si lassat unu pagheddu prus a iscuriu s'òmini dd'at sèmpiri acostigada a s'arregordu de is mortus, antzis s'agatat

culturas chi ancora oi in dii in custas oras faint cummenti si is mortus torressint a abbitai is logus chi abbitant in

vida, is domus, sa genti, is costumàntzias chi sodigant sendi bivus.

Est a siguru una moda pagana, nàscia candu s'òmini at cumintzau a iscudi s'arrexonamentu "a s'atra parti" de su

connotu cosa sua de animali terràniu, e manu manu su tempus passendi, ònnia religioni at torrau a bistiri cun is

coloris e sètius suus totu custus creingius chene tempus.

In Sardigna in s'antigu s'agatàt a seguru prus cunfiantzia in custu ritu, oi in dii arrexonai de su tempus chi ispàciat

parit chi est unu tabù e sèmpiri prus pagus personis si nd'arregordant ancora de "Su beni po s'ànima" chi is

pipieddus, aparendi una coscinera bècia, pediant tochendi in is gennas allenas. Fiat una circa po corbai ofellerias

e cosa de papai (nuxi, nuxedda, pilarda de fruta, pabassinas, o isceti su chi nci fiat... etc) in arregordu de is

mortus, ma mascimamenti po ndi assoddiri calincuna cosa a profetu de is paisanus prus pòbirus. In su credingiu

fiant is ànimas de is antigus e de is mannus chi torrànt po biiri si is chi fiant abarraus si ndi fiant iscarèscius de

issus o sighiat onorendi-ddis sa memòria. Po custas ànimas si lassàt sa mesa istèrrida, pustis cenau, cun sa cosa

de papai aparitzada a manera chi essint pòtziu papai e bufai issus puru, ma s'arritiràt is corteddu poita ca si su

màndigu non ddis essit agradèssidu, is ànimas s'essint pòtziu puru furriai discontentus: cummenti a nai "o mi fais

agatai su chi m'ispetat o una brullixedda ti fatzu...".

Ita s'arregordat? Parit cosa giai intèndia, a no?

In Sardigna sa genti arregordat fòrmulas diferentis chi perou torrànt totus a sa pròpiu traditzioni: Su bene de is

ànimas, is ànimas, su mortu mortu, pedi cocone, is pannixeddas, is animeddas, su prugadòriu, su bìddiu longu

etc.

In Portescusi calincunu s'at contaui chi a piticheddu ddu mandànt a fai custa circa e chi fiat mascimamenti a

profetu de is prus pòbirus.

Bos atrus ita s'arregordais de custas diis? Fillus/nebodis bostrus connoscint custa costumàntzia chi eus sempri

tentu in Sardigna?

Provai a torrai isceda in is cummentus!

Eis a perdonai si sa boxi no est prus cussu cantu de rosignolu chi fiat unu tempus.

Eis a perdonai sa melodia unu pagheddu acioreddada po nexi de su chitarrista improvvisau.

Eis a perdonai sa chitarra schinnia, ca fiat diora arrimada.

E eis a perdonai finsas su coreddu chi ndi eus pesau ma...

Custa cantaredda fiat in arriscu de si sperdi e dd'eus bòfia arregistrai in custu vèdeu chi eus tirau a intru de una

barraca de su palatziotu anca is sòtzius de Sa Fabbrica faint e afatèriant is fainas insoru. Issus fiant benius a

s'isportellu de lingua sarda de Portescusi po ponni in iscritu custa cantzonedda chi costumant a cantai candu fiant

piciocheddus, e iscrita si dd'eus.

Custas curbas antigas nanca ddas iant istèrridas po ponni a cantzoni a unu certu Boicu casi chi sa mulleri nanca

non ddi fiat fideli meda.

Mischinu Boicu!

Perou sa curiosidadi de isciiri a cumenti sonat fiat manna e mala a aguantai, e insandus, pustis isportellu s'at

aparitzau una sessioni de registratzioni!

E non po si donai bantu a solus ma duus turistas maridu e mulleri si funt firmaus po s'ascurtai e s'ant finsas nau

chi seus bravus (mah si ddu narat samertzei...!) e nant puru chi fiant prexaus benimindi ca s'ant intèdiu cantendi

in sardu!

Torraus gràtzias a Delfo e Demètriu poita ca funt sèmpiri prontus po donai una manu de agiudu e fai profetu a

custa Bidda istravanada chi est Portescusi.

p.s. Sa cantzoni non bolit pigada a esèmpiu!

